

TE HEHEURAA API

NENEIHIA I ROTO I TE PIHA NENEIRAA A TE EKALLESIA A IESU MESIA I TE
FEIA MO'A I TE MAU MAHANA HOPEA NEI.
PAPEETE, TAHITI, I TE MAU AVA'E ATOA.

*Te hoo: E 5 farane i te matahiti hoê
e e 10 farane no na matahiti e toru.*

No. 2

Febuare 1938.

Mat. 32.

TE AUTAHU'ARAA.

Parau tumu; 1 Korinetia 12: 27-28.

*Te Autahu'araa, o te Mana ia o te Atua tei horoahia
mai i te taata nei. B. F. 27:8-12.*

Te ite nei te Ekalesia a Iesu Mesia i te Feia Mo'a i te mau
Mahana Hopea Nei e, te vai nei e piti tufaa i roto i te Auta-
hu'araa Mo'a, oia hoi, te tufaa iti tei parauhia te Autahu'-
araa a AARONA, e te tufaa rahi tei parauhia te Autahu'araa
a MELEHIZEDEKA.

Te Ohipa a te Autahu'araa a Aarona.

DIAKONO.

Te toro'a DIAKONO o te toro'a matamua e tei hau i te hae-
haa i roto i te Autahu'araa a Aarona, e ta'na ohipa rahi o te
ohipa no te pae tino ia, oia hoi, te haapaoraa e te faanehe-
neheraa i te Fare pureraa, te piti, te tamahanahanaraa e te
opereraa i te oro'a i te mau melo no te Ekalesia, mai te au
i te faaueraa a te Episekopo, e a ore ra, i ta te Peresibute-
ro tia; e te toru ra, ia tauturu i te haapii i roto i ta'na ohi-
pa.

Hoê ahuru ma piti melo i roto i te hoê pūpū Diakono, e ua
faaterehia ratou e te hoê Peretiteni, e na Tauturu e piti, tei
maitihia no rotopu mai ia ratou ra.

TE HAAPII.

E feia toro'a te mau HAAPII tei faataahia ta ratou ohipa ia haere na roto i te mau Feia Mo'a ma te a'o atu ia ratou ia haapao maitai ratou, e ia faaitoito ratou i te Ekalesia na roto i ta ratou ohipa. Tei ia ratou te hi'opoa e, aita anei e ino tei tupu i roto i te Ekalesia, e ia ore te mau melo ia ino ino te tahi i te tahi, ia haapao râ ratou i te Ture a te Atua, ma te faatura i te mau ohipa atoa a te Ekalesia.

E tia atoa ia ratou ia faatere i te mau Pureraa, mai te mea aita tō reira e Tahu'a e a ore ra te tahi taata toro'a rahi. E tia i te Diakono e i te Haapii ia a'o i te parau a te Atua ia tia maitai to raua faaueraahia, area ra, aita to raua iho e mana no te raveraa i te ohipa i roto i te mau oro'a no te pae varua, mai te Bapetizoraa, te Haamaitairaa i te Oro'a a te Fatu e te Tuuraa i te rima no te horoaraa i te Varua Maitai.

E 24 melo to roto i te pūpū o te Haapii ma te tai'o atoa-hia te Peretiteni e na Tauturu e piti no'na ra.

TE TAHU'A.

Ua faataahia te mau TAHU'A no te a'oraa'tu, te haapiiraa'tu e te tatararaa'tu i te Evanelia, ia Bapetizo, ia Haamaitai i te Oro'a e ia mataitai i te mau utuafare o te Feia Mo'a ma te faaitoito atu ia ratou.

Ia au maitai to'na faaueraahia e tia i te Tahu'a ia faatoroa'tu i te tahi atu Tahu'a, e ia tauturu i te Peresibutero i roto i ta'na ohipa.

E 48 Taha'a i roto i te hoê pūpū e tei raro a'e ratou i te faatereraa o te Episekopo Amaa, e i roto i te mau Misioni, tei raro a'e ratou i te faatereraa o te Peresibutero tia. B. F. 20:53-59; 197:85-89.

I te mau taime atoa a haapao ore ai te hoê taure'are'a, te pohe ra te hoê Taata maitai; E i te mau taime atoa te afaro ra te haereraa o te hoê taure'are'a, te haamaitaihia ra te Nunaa atoa.



pa O
here
tua ia
ia o a
i roto
e te 2

I te
ra o l
parak
Mo'a

Ua
oto i
Metu.
tou n

Eal
mau
mea t
te ma
tou a
roi ei

Eit
no te
tino o
piiraa
re ia

EDITORIALE

THOMAS L. WOOBURY.

I Tau Mau Tuahine No Te Mau Fenua Moana Nei.

THE oaoa nei te mau Metua Vahine no Siona ia maiti hia ta ratou mau tamarii ia haere e rave i te ohipa Orometua Misionare i teie mau fenua Moana nei. E mea here roa te mau Tuahine no teie mau fenua i te mau Orometua ia tae mai, e e imi ratou i te mau ravea atoa ia maitai e ia oaoa ratou. E ia na reirahia ua amuihia te mau Tuahine i roto i te ohipa hoê ra, oia hoi, te tautururaa i tei maitihia e te Atua, no te raveraa i ta'na ohipa.

I te ava'e no Tenuare i mairi a'enei ua reva na Orometua ra o NOROTA raua o TIHOTI e ua ho'i i to raua fenua ai'a; ua parahi raua e piti matahiti e te afa i rotopu i te mau Feia Mo'a i teie mau fenua moana nei.

Ua faarue ratou ia outou, e te mau Metua vahine, ma te oto i roto i to raua aau, no to raua here ia outou tei riro ei Metua vahine mau no raua a parahi ai raua i rotopu ia outou na.

Eaha te huru o te parau maitai ta ratou e faaite atu i te mau Feia faatere e i to rana atoa ra mau fetii, no te mau mea tei faaoromaihia, e teie nei nunaa taata maitatai, ia ore te mau Orometua ia ere i te maa maitai, ia mâ maitai to ratou ahu e ia ore ia tafetafetahia, e ia riro to ratou mau tuaro i vahi hau maru mau.

Eita te Atua e haamo'e ia outou, e te mau Metua vahine no te mau fenua Moana nei, e noa'tu i to outou atearaa i te tino o to tatou Ekalesia here, te faarahi nei outou i te haapiiraa a to tatou Faaora,— *A here i to taata tupu mai to here ia oe iho na, e a tauturu i te mau taata atoa.*

Ua tae mai e piti Orometua apî i te ava'e Tenuare i mairi a'enei e ua ite au e, e farii atoa outou ia raua, ma te varua aroha mai ta outou i faaite a'enei i te mau Otometua tei na mua ia raua, oia hoi, e tauturu outou ia raua ia mana'o raua e, tei to raua iho utuafare raua, noa'tu e tei rotopu raua i te hoê nunaa êê, e ia tauturu atoa ia raua ia haapî i to outou reo, ia tia, ia na roto i te here e te tahoê raa, ia tavini i te Atua na roto i te ohipa.

Ia haamaitaihia outou e te Atua, e tau mau Tuahine here i roto i teie mau fenua nehenehe; Ia riro to outou maitai ei haamaitairaa i nia i to outou mau upoc; Te here nei to tatou Metua i te ao ra i te feia te tauturu i ta'na mau tavini.

*Papaïhia e Mate Wooduury
Peretiteni no te Solaiete o te mau Tuahine.*

A ora i te oraraa ia ore ia tia, ia pohe outou, i te orometua ia haavare i to outou hunaraa.

TE PARAU AUTAHU'ARAA.

TIHOTI M. Lake
LEVI Leatham

BENIAMINA Winkel
ELEDONA Mortensen

Haapiiraa no te Ava'e MATI.

UA rave ê hia te Ekalesia mau, no nia i te fenua nei i roto i na matahiti hoê tauatini i muri iho i to Iesu haereraa mai i te ao nei, e ua mo'e te Autahu'araa i te taata nei e aita te hoê mana e vai ra i te taata no te faahoi mai i te reira.

No reira, na roto i to'na aroha, ua faaineine te Fatu i te mau ravea no te faatia faahouraa i ta'na Ekalesia e te heheu faahouraa mai i te Mana no te Autahu'araa Mo'a, ia Iosepha Semita raua o Olive Taudere, i te matahiti 1829.

A haapî atu i te Autahu'araa i te reira mau parau i te ava'e no Mati.

Te Hanahana o te Atua o te Ite ia.

Na Te Mau Maapii

Mahaere na te mau utuafare,

8. *Te faaroo nei matou e, o te Bibilia ra o te parau mau ia a te Atua, ia tia te iritiraahia mai; e te faarao atoa nei hoi matou e, te Buka a Moromona ra, o te parau mau ia a te Atua.*

Oia mau ia, e ia haapao maite tatou i taua mau parau ra nei neneihia i roto i taua na Buka ra, e ora ia tatou nei, e o te ore i faaroo ra, e pohe ia to ratou hopea.

E faaitoito tatou i te haapiiraa i te mau huru parau maitai ia roaa mai te ite, te maramarama e te paari. Isaia 29: 4-9, 24. Salamo 85:11. Amosa 3:7. E tai'o atu i te Buka a Moromona i roto i te mau fare e a haapii i te parau i reira. A faariro tatou ia tatou iho ei feia parau tia.

Ua tauatini to te rui mata, hoê noa iho ra to te ao; area ia pau te hoê mahana ua pohe te mori o te ao atoa nei.

TE SOTAIETE VAHINE TAUTURU.

MAUDE WOODBURY.
TOTARE GREEN.

NOROTA HARDY,
IOSEPHA G. STEVENS

Haapiiraa no te Ava'e MATI.

Parau Tumu: Mataio 18:20.

Mahana Maha (Matamua)

Te haapiiraa no roto mai i te parabole e te mau haapiiraa a te Mesia. Mareko 4:38. Te parabole ta Samuela i faaite atu ia Davida. II Samuela 12:1-8.

Eaha te faufaa o te Parabole?

Na te mau Tuahine e iriti mai i to ratou mau mana'o.

Mahana Maha (Piti).

Te puai mau o Iesu Mesia. Ia riro tatou atoa mai la'na te huru e tia'i. Iosua 1:9.

E hahaere te mau Tuahine i te mau utuafare ma teie nei haapiiraa i roto i te mana'o e ia haapii atu i te taata atoa.

Mahana Maha (Toru).

Aita e aueueraa to te faaroo o Abinadi; Ua faaite hua'tu oia i te parau no te Evanelia i mua i te aro o te atī Nephi mai te mātā'u ore. Mosia pene 17.

Mahana Maha (Maha)

Ua hamani maitai o Iesu i te taata e rave rahi, (Luka 4: 16-19). E na reira hoi tatou ia haamaitaihia te taata atoa ra.

E nahea tatou ?

Ua faatiahia te Sotaiete Vahine Tauturu, e te Peropheta ra o Iosepha Temita, i te 17 no Mati 1842, e o Ema Semita tei riro ei Peretiteni matamua no taua Sotaiete ra. Eita anei e tia ia faatupu i te hoê amuiraa ei haamana'oraa, i te 17 no Mati, te Mahana maha toru, no te faatupuraa hia o taua ohipa faahiahia ra e no te mau Metua Vahine maitai tei rave itoito te ohipa roto i te Ekalesia ?

HAAPIIRAA SABATI.

Goladena W. Mack
Teneta A. Wilde

Anderea N. Machen
Pereti B. Asay

Haapiiraa no te Ava'e MATI.

IRAVA TAMAU AAU. III NEPHI 12:3-13.

Na te Pupu 3 e te Pupu 4.

Mati 6.	Korihora te aneti mesia.	Alama p. 30.
" 13.	To Alama arataira i te mau taata i te atī Zorama ra.	" 31.
" 20.	Te pororaahia te Evanelia i te feia veve.	" 32.
" 27.	Te haere ê raa te mau oro-metua atī Nephi.	" 35.

Na te Pupu Piti.

A hi'o i te apī matamua o teie nei Ve'a, te Editoriale e te parau no na Haapii hahaeere na roto i te mau utuafare ra.

Te Paraimere.

- Mati 6. Te taeraa mai o te Faava'ao. Ohipa 2:2-14.
 " 13. To Petero faaoraraa i te taata pirioi. " 3:1-12.
 " 20. Te mahitiraa o te mau uputa o te
 fare tapearaa. " 13:1-19.
 " 27. Te faatiaraahia o Doreka. " 9:36-43.

HAAPIIRAA NA TE FEIA API.

TENA Palmer

NOELA. C. Devey

VERANONA C. Thurgood

VELA C. Hunting.

HAAPIIRAA NO TE AVA'E MATI.

Irava tamau aau: Salamo 24:3-4.

*Haapiiraa no nia i**Te Tatarahapa.**Papaihia e Norota Hardy.*

EAHA TE TATARAHAPA?

Uiraa 1. Eaha te tatarahapa mau?*Pahonoraa.* O te fa'iraa ia e te faaruaeraa hoi i te mau hara
 atoaa. Mat. 3:8; Mose 4:10; B. F. 58:43.*Uiraa 2.* Nahea tatou e ite ai e, ua tatarahapa te hoê taata
 i ta'na mau hara?*Pahonoraa.* Na roto i te fa'iraa e te haapaeraa o te hoê
 taata i ta'na mau hara e ite ai tatou e, ua tatarahapa mau
 oia; e na roto hoi i te ohipa ta'na e rave.*Uiraa 3.* E tia anei i te mau taata atoaa ia tatarahapa?*Pahonoraa.* E tia.*Uiraa 4.* No te aha e tia i te mau taata atoaa ia tatarahapa?*Pahonoraa.* Te titanhia nei ia tatarahapa te mau taata
 atoaa, no te mea, aore e taata i te ao nei tei mâ i te hara; ia
 tatarahapa tatou i ta tatou mau hara e tia'i. B. F. 18:9;
 Ohipa 17:30; B. F. 49:8.*Uiraa 5.* Eaha te utua tei faataahia no te taata o te ore e
 tatarahapa?*Pahonoraa.* O tei tapoi i ta'na hara, e faaerehia oia i te

maitai, e aita hoi oia e tae i te Basileia o te Atua. Alama 5:51; 34:35; I Kor. 6:9; Galatia 5:21; Maseli 28:13; Salamo 32:5; Mat. 7:19.

Uiraa 6. Eaha te utua no te tatarahapa mau?

Pahonoraa. E riro te feia tatarahapa ei feia haamaitaihia e ei feia herehia e te Atua, e e roaa hoi ia ratou te ora mure ore. Mat. 7:13-14.

Uiraa 7. E tia anei i te tamarii ia tatarahapa?

Pahonoraa. Aita.

Uiraa 8. No te aha eita e tia i te tamarii ia tatarahapa?

Pahonoraa. No te mea aita ta ratou e hara. B. F. 26:46-48; Mat. 18:10; 19:14; 20:71; B. F. 74:1-7; Moroni 8:8-22.

Uiraa 9. Eaha te mea te faatupu i te mana'o tatarahapa?

Pahonoraa. Te ohipa i ravehia; Ia rave tatou i te ohipa maitai, e ite ia tatou, i reira, i te oaoa; e na te reira e faatupu i te aau haehaa e te tatarahapa i roto ia tatou. Na te ohipa e haapapu i to tatou ite i te maitai e te ino.

Te HAAPIIRAAHIA o te TATARAHAPA.

Uiraa 1. Ua papu anei ia tatou e, no ò mai i te Atua te Tatarahapa i te faaueraahia mai?

Pahonoraa. E, na papu roa.

Uiraa 2. Eaha ia tei haapapu ia tatou e, ua maiti mauhia te Tatarahapa e te Atua?

Pahonoraa. No te mea ua haapiihia te Tatarahapa na roto i te mau tau atoa, mai te matamua mai â, e ua faaue mai te Atua i ta'na mau tavini ia haapii i te parau tatarahapa i te mau nunaa atoa o te ao nei.

Uiraa 3. O vai te tahi mau pūpū taata tei haapii i te tatarahapa?

Pahonoraa. ¹ Te mau Peropheta tahito; ² Ioane Bapetizo (Mat. 3); ³ Iesu Mesia iho e te mau Aposetolo. Mareko 1:6; Ohipa 2:3.

Ua parau atura Petero ia ratou: *E tatarahapa, e ia bapetizohia outou atoa i roto i te i'oa o Iesu Mesia ia matara te hara, e horoahia mai ia te Varua Maitai ia outou.* Ua a'o atoa o Paulo i te Tatarahapa i to'na mau mahana, e ua na

reira :
hana l

Uir
taraha

Pal
taata,
tatar

Uir
Pal

Uir
rau n

Pal
tatar

haapi
toa, e

Uir
mau t

Pal
riro r

parau
parau

Uir
Pal

Uir
Pal

papur
Uir

Pal
hoê t

i taua
mea h

raa.

Uir
Pal

e taua
faaite

reira atoa te mau Peropheta no te atî Nephi, e to te mau mahana hopea nei. Hiroa faaroo N° 2.

Uiraa 4. No te aha te Atua i faaue mai ai i te taata ia tatarahapa ?

Pahonoraa. Ua na reira mai te Atua no te mea ua hara te taata, e aita e ravea ia mâ te hara, maori ra, ia na roto i te tatarahapa. Eita te feia hara e parahi i te basileia o te Atua.

Uiraa 5. Ua manuia anei te haapiiraa a Ioane Bapetizo ?

Pahonoraa. E, ua manuia. Mat. 3:1-6-13.

Uiraa 6. E mea tia anei i te taata hara ia a'o atu i te parau no te Tatarahapa ?

Pahonoraa. E, e mea tia hoi, na muri a'e râ i to'na iho tatarahaparaa, no te mea e mau taata hara ana'e tatou. E haapii tatou i te parau no te tatarahapa i te mau mahana atoa, e na te reira e faataa-ê-atu i ta tatou iho mau hara.

Uiraa 7. E mea tia anei ia haapiihia te tatarahapa i te mau tamarii apî ?

Pahonoraa. E mea tia roa, no te mea te vai ra te taime e riro ratou ei mau taata hara, e mai te mea e faatamauhia te parau no te tatarahapa i roto ia ratou, e riro ratou ei feia parau-tia.

NA HURU TATARAHAPA e PITI.

Uiraa 1. Eaha na Tatarahaparaa e piti ?

Pahonoraa. ¹ Te tatarahapa mau ; ² te tatarahapa haavare.

Uiraa 2. Eaha te huru no te tatarahapa mau ?

Pahonoraa. Te tatarahapa mau, o te fa'iraa ia e te haapae papuraa hoi i te hara i ravehia.

Uiraa 3. Eaha te huru o te tatarahapa haavare ?

Pahonoraa. E mea haavare hoi te reira. Ia tatarahapa te hoê taata i ta'na mau hara, e i muri iho ua rave noa'tura oia i taua mau hara ra, ua riro ia to'na tatarahaparaa i reira ei mea haavare, e e tahoochia oia no te reira huru tatarahaparaa.

Uiraa 4. Eaha te ravea tano mau no te taata ia tatarahapa ?

Pahonoraa. Hoê noa iho ravea tano ia tatou ia tatarahapa, e tana ravea ra, o te *Pure* ia. E pure tatou i te Atua mai te faaite atu i to tatou mau hapehape, e e ani haehaa'tu tatou

Ia'na ia faaore mai i ta tatou mau hara, e mai te mea e haapae atu tatou i ta tatou mau hara, e faaore mauhia te reira mau hara ra.

Uiraa 5. Eaha te tumu aita te tahi mau taata e haapao maitai i te mea ta ratou i tatarahapa?

Pahonoraa. O te Diabolo ia te tumu; O te tumu atoa oia no te mau mea haavare atoa.

Uiraa 6. Eaha te taime e tia ia tatou ia tatarahapa?

Pahonoraa. E tatarahapa tatou i mua i te aro o te Atua i te mau mahana atoa; ia roohia tatou i te hoê hape, e ani tatou i te Atua ia tauturu mai ia tatou i te faaoreraa i taua hape ra.

Uiraa 7. E mea tia anei ia tatarahapa tatou i mua i te aro o te taata?

Pahonoraa. E ere i te mea tia; E tatarahapa ra tatou i roto i ta tatou mau pure, e na te ohipa e faaite atu, i te mau taata, ua tatarahapa mau tatou, e a ore ra, aita.

Uiraa 8. E mea tia anei i te taata ia tia i to'na paari raa ia tatarahapa?

Pahonoraa. Aita roa! Ia tia oia i to'na ruau raa, ua huru pau to'na itoito e to'na puai, e te fatata nei oia i te vahi poiri; Eaha ia te faufaa o te tatarahapa i reira? *Aita e hoê faufaa.*

E homa, e te Feia api e, a rave tatou i te ohipa oi vai vai a'e te ao, no te mea, te fatata mai nei te taime po e aita e ohiparaa i reira.

TA TE TĀTARAHAPA E FAAHOTU.

Uiraa 1. Eaha te hoê mea ta te tatarahapa e faahotu mai?

Pahonoraa. Te Bapetizoraa e te raveraa i te ohipa a te Fatu.

Uiraa 2. Eaha te tahi mau mea te faatupuhia e te tatarahapa?

Pahonoraa. Te aroha, te hamani maitai, te faaoromai, te paari, te ite, e e rave rahi atu â te mau maitai te tupu no roto mai i te tatarahapa.

Uiraa 3. Eaha tei parauhia, i te feia hara, mai te mea e tatarahapa ratou?

Pal
tia e
riu m
te me

Uir
Pal
hapar

Uir
ratou

Pal
tia ra
hapa.

Uir
Pal

Luka
Uir

pae ti
Pal

hana
rirohi
pea i
e e ha
uru.

Te t
re rato

O oi
e haap
ia reva

E tia
tei nia

Na'r
mau N
fare ha

Pahonoraa. Ia farin ê te taata parau-tia i ta'na ra parau-tia e ua rave ihora i te ino, e pohe ia oia i te reira. E ia fariu mai te taata parau ino i ta'na parau ino ra, e ua rave i te mea au e te parau tia, e ora ia oia i te reira. Ezek. 34:18-19.

Uiraa 4. E tahoochia te mau Nunaa atoa mai te au i te aha?

Pahonoraa. E tahoochia ratou mai te au i to ratou tatarahaparaa. Ieremia 18:6 10.

Uiraa 5. Eaha te utua tei horoahia'tu, i to Nineve, no to ratou tatarahhparaa?

Pahonoraa. Ua faaorahia ratou, e ua parauhia ratou e, e tia ratou i nia i te haavaraa o te mau taata o tei ore i tatarahapa. Mataio 12:41.

Uiraa 6. Eaha te faufaa no te tatarahapa haavare?

Pahonoraa. Aita e faufaa, maori ra te pohe e te mauini. Luka 13.

Uiraa 7. E riro anei te tatarahapa ei maitai no tatou i te pae tino nei? Eaha taua maitai ra?

Pahonoraa. Oia mau. E haamanuihia tatou i te mau mahana atoa, e faaroa hia to tatou oraraa i te ao nei, e e faarirohia te oraraa i te pae tino ei mea oaoa. E ia tae i te hopea i teie nei ao, e riro atoa te poheraa ei mea monamona, e e haere tatou i roto i te hoê ao apî ma te oaoa e te maururu.

Te feia hara ra, e pohe ratou i te poheraa mauini, e e haere ratou i te ao apî ma te haama.

EAHA TE TAMARII?

O OIA te taata te faaoti i te mau ohipa atoa ta outou i haamata.

O oia te parahi i te vahi mau ta outou e parahi nei e na'na e haapao i te mau mea ta outou i mana'o e, e mea faufaa roa, ia reva'tu outou.

E tia ia outou ia faatere mai te au i to outou hinaaro, area tei nia iho ia'na te faaotiraa o taua mau faatereraa ra.

Na'na e faatere i to outou mau oire, te mau tufaa fenua e te mau Nunaa; to outou mau fare tapearaa, mau fare ma'i, mau fare haapiiraa e ta outou mau sotaiete rarahi.

Na'na e haava, e haamaitai e a ore ra e faahapa i ta outou atoa ra mau ohipa.

To outou roo e ta outou parau no a muri atu, tei roto ia i to'na rima.

No'na ta outou mau ohipa atoa, e te hopea o te Nunaa e to te ao atoa nei, tei roto ia i to'na rima-

No reira, e mea tia ia haapao maitai tatou ia'na.

TE PARAIMERE

ROBETA M. Johnson.

HENERE C. Teeples.

RAREFA R. Taylor.

NILE R. Chug.

HAAPIIRAA NO TE AVA'E MATI.

Ua au hoi te parau i maitihia no te Feia Apî ei haapiiraa no te Paraimere.

E haapii atoa hoi i teie nei himene apî: *Good morning to You.*

1

Ia orana outou, ia orana outou;
Ia ora na te tamarii, ia ora na outou.

2

Ia ora na oe, ia ora na oe;
Ia ora na te haapii, ia ora na oe.

A rave atoa te parau Metua, te i'oa o te fetii, to Toma, Mate, etc, ei mono i te parau te haapii i roto i te himene.

Teie te hoê hauti apî na te mau tamarii.

O Simona ia te aratai; e ia faaue oia ia ravehia te hoê ohipa, ia na reira ihoa te mau tamarii, ia parau noa ra oia a rave i te hoê mea ma te ore e faahiti, te faaue nei o Simona, eiaha roa taua ohipa ia ravehia; E faaoioi ra i te faahiti i taua mau parau ra ia rahi te arearea.

*Mauruuru no te ao nehenene,
Mauruuru no te maa i amuhia,
Mauruuru no te mau manu te himene,
Mauruuru, e te Atua, no te mau mea atoa.*

H

Sa

Ua

I te

mai a

Ioane

raa.

Mose

Mesia

i te ha

lia.

Eia

nia i

mea n

nelia,

ta'na

Ekale

Tei

tu i te

Hou

mau p

1. O

2. T

3. IC

4. T

Ha

5. I

E poh

tataraha

tei pohe

e no ta

parau a

te ora n

haere n

Haapiiraa Hoho'a no te Tia-Faahouraa. Sabati PASA te 17 no Eperera 1938.

Ua faataahia te Oroa Pasa i te tau no Mose. *Exodo p. 12.*

I te tau mau no te haapaoraa i te oroa Pasa i tia-faahou-mai ai te Mesia no te pohe mai. *Mareko p. 16; Luka p. 24; Ioane p. 20.* O Iesu Mesia te oho matamua no te tia-faahouraa. Mai to te atī Iseraela faaoraraahia i te pohe, i te tau o Mose ra, ua faaora atoa hia to te ao atoa nei, na roto i te Mesia, e e faateiteihia ratou i roto i to'na basileia, na roto i te haapaoraa i te mau ture e te mau faaueraa o te Evanelia.

Eiaha ia mo'e, i te taata tai'o parau, ia faaite i tei tupu i nia i te fenua America, i te taima no te tia-faahou-raa. E mea nahea to te Mesia fâ-raa nai, To'na haapiiraa i te evanelia, To'na faatiaraa i ta'na Ekalesia e To'na maitiraa i ta'na mau Pīpī e hoê ahuru e ma piti no te faatere i Ta'na Ekalesia faatia apī hia.

Tei roto te reira mau parau i te III Nephi p. 9 e tae noatu i te 29.

Hou te faatereraa i te kohoa, ia faaite maitaihia te reira mau parau atoa.

Tufaa Hoê.

Te MAU TUFAA:

1. O NEPHI, te hoê taata paari.
2. TIMOTEO to'na taeae.
3. IONA te tamaiti a Timoteo.
4. Te tahi mau tane, mau vahine e te tamarīi i mua.

Haruru patiri e te maniania rahi.

5. I muri a'e i te haruru patiri e parau mai te Faaora:

Epohe, e pohe to teie nei feia; e pohe to te ao atoa nei ia ore ratou ia tatarahapa, te ata noa ra hoi te diabolō, e te oaoa ra ta'na mau melahi no tei pohe i ō te mau tamaroa e te mau tamahine nehenehe a ta'u nei feia; e no ta ratou parau ino e te faufau hoi i pohe ai ratou ra. Oia mau ta'u e parau atu ia outou na, ia haere mai outou ia'u nei ra, e roaa ia ia outou te ora mare ore. Inaha, ua faatorohia'tu to'u rima aroha ia outou, e o te haere mai nei, o ta'u ia e ite mai; e maitai to te haere mai ia'u ra. Ina-

ha, o vau nei o Iesu Mesia ia, o te Tamaiti na te Atua. O vau tei hamani i te ra'i e te fenua e to roto ra. Tei 8 te Metua vau i te matamua ra. Tei te Metua vau, e tei ia'u te Metua, e ua oti to'na i'oa i te faahanahanahia e te Metua ia'u nei. III Nephi 2: 14-15.

I te taime e tomo mai ai te Faaora, e parau oia:

I haere a'enei au i to'u ihora, e aore to'u ihora taata i ite mai ia'u, e ua oti te parau papai no to'u ra taeraa mai i te faatupuhia. E o tei ite mai ia'u ra, i ho atu vau i te mana ia ratou ia riro ei tamarii na te Atua; e na reira atoa'tu vau i te feia e faaroo i to'u ra i'oa, inaha hoi, o te mana faa-ora, na roto ia'u ia, e ua hope roa hoi ta te ture a Mose ia'u ra. O vau te maramarama e te ora o te ao nei. O vau te Alepha e te Omega, te mata-mehai e te faahopea. III Nephi 9:16-18.

E i te hopea e tia te mau taata i nia no te himene.

PARURU.

TUFAA PITI.

Te mau taata atoa o te tufaa matamua, maori ra te Mesia.

E paraparau te mau taata e te mau Pīpī no nia i te mau haapiraa a te Mesia, mai tei papaihia i roto i te III Nephi, e te vahi i hau roa'tu, tei papaihia i roto i te pene 12:3:12. (*A faatamau i te reira mau parau i te tamarii, e ia tai'o mai ratou i te reira ia tae i te hautiraa i te hoho'a.*)

I te faaotiraa i te tufaa e a'o atu o Nephi i te mau taata atoa ia haapao i te mau faaueraa a te Fatu e e faaoti i te reira tufaa na roto i te hoê himene nehenehe.

PARURU.

TUFAA TORU.

Te paraparau ra o Iesu e na Pīpī tootoru no nia i te mau mea e tupu.

Te mairiraa hia te i'oa o te Ekalesia. III Nephi 27:6-9.

Te faaiteraa na Pīpī e hoê ahuru e ma piti i to ratou mau hinaaro i te Mesia. III Nephi 28:1-11.

Ia riro te reira mau parau ei aparauraa nehenehe roa.

A faaoti i te haapiiraa na roto i te himene: *E faaoti tatou nei.* (Tune: America.)

PARURU.

E ho
te hoê
teni e t
tupuhia
roa te p
ta i tia
nei ra
tatou ia
tou i te
te mau

Ua ta
Februar
mai i te
ia afarc
e i te h
oia i te
tei tape
to'na or
to'na il
faaterer
va, e c
mea te
naaro i
Fatu ia

Teie
ia haer
e te Va

I te l
ra, o R
CHAVEZ
Tahiti i
roa, e T

O te
karoa,

TE MAU PARAU API

E homa e, i teie nei mahana, te 19 no Tenuare, ua tae mai te hoê niuniu, no Roto Miti mai, tei faatia ia TOMA Peretiteni e to'na hoa o MATE ia ho'i i te fenua ra i America. Ua tupuhia a'enei o TOMA Peretiteni i te hoê ma'i rahi e ua ore roa te parau ia'na. Ua aroha roa matou ia'na no te mea aita i tia ia'na ia faaite mai i to'na mana'o ia matou. Teie nei ra ua reva raua i to raua fenua ai'a. Ua mauruuru roa tatou ia raua no te mau ohipa ta raua i rave e te ite nei tatou i te maitai e te oaoa tei roaa ia tatou na roto i te ve'a e te mau himene api.

Ua tae mai o TOMA ma, i teie paeau moana nei, i te 25 no Febuare 1937 e ua rave itoitoe roa raua i te ohipa e tae roa mai i teie nei, e no te rahi o te mau ohipa, e to'na hinaaro ia afaro noa te reira, ua tamau noa oia i te rave i te ohipa, e i te hopea ua tupuhia oia i teie nei ma'i. Ua tamau noa oia i te feruri i te parau tei papaihia i te Mataio 10:39: *O tei tapea i to'na ora, e ere ia oia i te ora; area te tuu noa i to'na ora no'u nei, e ora ia to'na.* Aita oia i feruri noa'tu i to'na iho tino, ua rave noa ra oia i te ohipa ia maitai te mau faatereraa e te mau ohipa atoa; e ua faaitohia i roto i te irava, e ora ia to'na e roaa no te reira. Te oto nei oia no te mea te ho'i nei oia; ua rahi roa te mau ohipa api ta'na i hinaaro i te rave hou oia e reva'i. Tirara râ, ua hinaaro te Fatu ia'na ia ho'i oia e ia rave i te ohipa i to'na iho ai'a.

Teie hoi to tatou hinaaro, ia maitai raua i to raua hoiraa, ia haere raua ma te hau e te peapea ore e ia paruruhia raua e te Varua o te Atua.

I te 18 no Titema i te matahiti 1937 ua pohe roa, i Tautira, o Ruita â CHAVEZ â MAPUHI. E tamahine oia na John CHAVEZ raua o NAZARIA vahine, e ua fanauhia oia i Papeete Tahiti i te 25 no Titema 1880; Ua baptizohia oia, i Takaroa, e Toae â Maire, i te 6 no Novema 1898.

O te Metua vahine oia no PAI â MAPUHI, te Tavana no Takaroa, e o ta'na tane ra, o te tamaiti na MAPUHI â TEKURA-

VEHE te taata tei riro ei hoa mau no te mau Orometua i teie mau fenua moana nei, no te mea ua rahi atu ta'na tautururaa i te mau Orometua, i to'na tau, i ta te tahi atu taata. Ua aroha e ua faahiahia te mau taata atoa ia Mapuhi ruau.

I te 27 no Tenuare i mairi a'enei, ua faarue na Orometua ra o NOROTA HARDY raua o TIHOTI M. LAKE i Tahiti nei no te haere atu i to raua fenua ai'a. Ua rave raua i te ohipa i teie mau fenua i na matahiti e 2 e te afa, e ua noaa ia raua te ite papu i te reo tahiti.

Ia haamaitahia raua e te Atua i to raua ho'iraa i to raua iho fenua ai'a e ia tauturuhia raua i roto i te mau ohipa atoa ta raua e rave.

I te 25 no Eperera i mua nei e tae mai, i Papeete nei, te pahi manua Farani ra o JEANNE D'ARC i to'na tere faaati i te ao nei. Teie to'na mau faito, 170 metera i te roa, 17 metera e te afa i te aano, e e 6 metera e te afa i te hohonu. Te puai o to'na mau machine e 32.500 puaahorofenua i te puai e e faaohu ratou i na pererau e piti te faatere i taua pahi ra i te tere ra e 25 maile. Te vai ra i nia i taua manua ra e 8 pupuhi fenua e 6 initia, 10 ahuru pupuhi huru nainai, e e piti pahi reva.

Teie te rahiraa o te taata i nia i taua manua ra, e 26 Officiers, e 120 Officiers haapii e e 454 mataro. No to ratou tae-raa mai e faatupuhia te hoê arearearaa rahi, e e amuihia mai te mau ohipa atoa o te Tiurai i reira ia hoê noa a'e tauruaraa i roto i te matahiti.

E 8 mahana te maoro o taua ra i Papeete nei, e i reira e tere atu oia na Nuuhiva e tae roa'tu i te ho'iraa i Farani.

Marcel Bonnet Gérant

Thomas L. Woodbury Imprimeur.

Rue Dumont d'Urville, Orovini, Papeete, Tahiti.

nere i
nenei
mai n
maiti
faaite
reira i

Mai
omuh
turu t
te nen
mau f
ra hia
to i te

Am
no te
api au
te faai
papu i
i taua

I te